

U Brčkom prezentovan Nacrt zakona o javnim bilježnicima

Tim GTZ-ovog Projekta reforme privrednog prava, u saradnji sa Pravnim odjelom OHR-a Brčko, prezentovao je danas, u OHR-u Brčko, članovima sudstva Brčko Distrikta, poslanicima, pravnicima Vlade i advokatima, Nacrt zakona o javnim bilježnicima Brčko Distrikta.

Zakon, čiji su nacrt izradili stručnjaci iz BiH pod rukovodstvom međunarodnog stručnjaka, definiše ulogu javnih bilježnika. Isti je nedavno usvojen u Federaciji. Vlada RS će uskoro razmatrati odgovarajući Zakon RS o javnim bilježnicima.

Javni bilježnici doprinose pravnoj sigurnosti obezbjeđivanjem pouzdane dokumenatacije vezane za važne pravne transakcije, i služe kao zaštita od bespotrebne žurbe pri zaključivanju ugovora. Javni bilježnik, kao javni službenik, obavezan je da bude nepristrasan pri utvrđivanju volje stranaka. Javni bilježnik mora obavijestiti strane o posljedicama njihovih predloženih radnji prije izrade konačnog teksta ugovora. Na ovaj način se od početka mogu izbjeći pravni sporovi. Dokument ovjeren kod javnog bilježnika postaje javni dokument koji se implementira ekonomski i na jednostavan način.

Član tima GTZ-ovog projekta, gospodin Enes Bikić, rekao je da će to doprinijeti bezbjednom zakonskom okviru za pravne transakcije, u tradiciji evropskog prava i najbolje evropske prakse.